

Friûl di Jevât

PAR CURE DA LA SOCIETÂT FILOLOGJICHE FURLANE

Vie Ascoli, 1, Guriza - tel./fax 0481533849 - gorizia@filologicafriulana.it - www.filologicafriulana.it

Si domande
plui presince
de marilenghe
tal servizi public
inte radio e te television



Plui di 1.800 firmis pal furlan inte RAI

Ai 29 di Avrîl e je scjadude la convenzion jenfri il Dipartiment pe informazion e la editorie de Presidence dal Consei dai ministris e la Rai, che e definis la programazion radiotelevisive in lenghe furlane.

Par scjaldâ i furlans sul argoment, di passe un mê e je stade inviate une petizion cul sproc "Basta minoranze di serie B!" par domandâ il ricognossiment dai dirits dai furlans te programazion radiotelevisive te Rai, tant che concessionarie di un servizi public.

Diego Navarra, prin firmatar di petizion, za sindic di Cjarlins e prin president de Comunitât Lenghistiche Furlane, al comentê cussì il sucès de petizion: "La largje adesione che e sta vint la petizion e palese che cui che le

marilenghe inte programazion regionâl de radio e de television midiant di "notiziaris informatifs, sei pe radio che pe television, in lenghe furlane e l'insiorament dai programs in lenghe furlane, almanco al nivel di chel che a àn za i ladins dolomitans" ma ancje "di meti sù une struture autonome te sede di Udin dedicate ae radio e ae television par furlan, cu la assegnazion di una redazion pai notiziaris e pe produzion di programs di aprofondiment" e, duncje, "clamâ a vore personal competent, professioniscj che a vevin competencis lenghisticis di furlan e professionâls su la comunicazion e la informazion".

Te petizion si domande ancje "il potenziament de redazion di Udin e di tornâ a meti sù lis sedis di

à firmade al riten una cause juste e meritevole di atenzion, tant che cetante int le à condividude e sparnaçade".
Ma ce si domandie?
Al Guvier talian e ae Rai si domande di garantî continuitât e cualitât aes trasmissions in

corispondence di Gurize e Pordenon, a pro di dut il Friûl.

"Se la gnove convenzion che e larà a sostituî che di cumò no garantirà, ancje cul lâ dal timp, ce che si domande, la racuelte di firmis e larà inmò indenat - al rimarche Navarra - . O pretendin il rispjet dai dirits dal popul furlan, dirits che a son ricognossûts de Costituzione taliane e des leçs regionâls, statâls e europeanis. O sin pronts par une azion inmò plui fuarte di ce che o vin fat fin cumò: e je une cuistion di justizie e une bataie di civiltât. Doprant la lenghe si difint il tesaur de culture che la lenghe e trasmet.

Al è une vore impuartant valorizâ chel che nus rint unics, il nestri mût di pensâ, di vivi e di lavorâ. E je la radis pal nestri avignî, che nus permet di confrontâsi cul mont cu la nestre identitât, la nestre lenghe, la nestre muse e la nestre anime".
La racuelte di firmis, che e je za rivade a passe 1.800 adesions, e je un segnâl fuert duncje aes istituzions e ai sorestants di chenti e di Rome. Dal rest cui che al paie al canon dai servizi public radiotelevisif a son i furlans e duncje, al è soregut un dirit ma al è ancje un oblic contratuâl.

Par firmâ...

Par firmâ la petizion al è une vore facil e si pues fâ de plateforme [change.org](http://chnq.it/zHPxhNBX) ae direzion <http://chnq.it/zHPxhNBX>.
La petizion e je state firmade di cetancj furlans: personaçs dal mont de culture, dal spettacol, da politiche de societât civîl, e ancje di cetancj furlans che a son a stâ ator pe Italie e tal forest. Cheste adesione e dimostre che cheste e je una bataie che e vâ plui inlâ de apartignince politiche/partitiche e chest al è una vore impuartant no dome pal sucès de petizion e pe firme de convenzion, ma soregut par fâ viodi che i furlans si metin adun pes bataiis impuartantis: come chê pe Università dal Friûl, cumò pe RAI par furlan. Diversis personis a àn decidût ancje di meti "la muse" par promovî la racuelte des firmis.
L'intelutuâl Agnul Floramo, Caterina Tomasulo (cognossude come "Catine"), il musicist rapper Dj Tubet, a àn invidât a firmâ la petizion cuntun apel publicât su Facebook tal grup "Furlan te Rai! E no dome", metût sù par prudelâ la iniziative.



Cunvigne organizâde da la Assemblee de Comunitât Linguistiche Furlane (ACLiF)

La situazion par chês altris minorancis lenghisticis

Par sensibilizâ lis amministrazioni locâls su la scjadince de Convenzion dal 2017 jenfri Guvier e Rai, la Assemblee di Comunitât Linguistiche Furlane (ACLiF), che e met adun passe cent e vincj comuns dal Friûl - Vignesie Julie, e à inmaneât ai 13 di Març ultin stât une cunvigne par fevelâ sul spazi pe lenghe furlane intes programazions di radio e television e su lis prospetivis pal avignî.

Il president di ACLiF e sindic di Voleson-Darzin, Markus Maurmair, al à moderât giornalcj, dirigjents Rai e amministradôrs publics cun atenzion particulâr al confront cu la situazion previodude dal acuardi par chês altris minorancis lenghisticis - slovene in FVJ, todesce e ladine in Sud Tîrôl, francese in Val di Aoste - cul obietif di otignî un quadri inzornât de situazion des minorancis lenghisticis intai programs Rai par capî cuâi che a son lis pussibilitâts di svilup de situazion pal furlan.

E a son bielzà saltâts fûr i strucs dai ats di cheste cunvigne "L'offerta radiotelevisiva per le minoranze

linguistiche in Italia" che si puedin discjamâ diretamentri di chest sît internet <http://bit.ly/AttiACLiF2021>.

No dome: simpri par stiçâ i politics di chenti e chei che a stan a Rome, la ACLiF è a organizât una camionute che e sta lant ator in chesti setemanis par dut il Friûl puartant indenat un sproc sêmplic "Plui Friûl in Rai" indula che si rimarche cemut che il Friûl al à plui di mil agnis di storie, i furlans a son plui di 600.000 e duncje 30 oris par an di furlan in television a son inacetabilis. In cheste pagine lis imagjinis de camionute ator pai comuns dal Gurizan.